

續古文苑

一函
六冊

續古文苑卷第十八

賜進士及第授通奉大夫山東通省督糧道加三級孫星衍撰

碑志四

大唐朝散大夫行潤州句容縣令岑君德政碑

唐張景毓

蓋聞諸易曰有天地然後有萬物有萬物然後有君臣有君臣然後有上下然則星辰爲緯丘陵山險所以經啓八紘彌綸萬域者也聲明文物禮樂詩書所以黼藻生靈化成邦國者也至於高居萬乘富有四海爲而不宰裁成於孕育之先感而遂通囊括於混元之首雖柔來剛往乾坤之軌躅可尋而步帝馳王

雲火之深塵不昧則疇咨四岳允釐百工大則鶴鼎
魚璜錫寵於機衡之地小則緇幡墨綬守位於子男
之國其有相門紬緒王佐推才負揭仁義周旋禮節
排九流而迴出掩三異而孤昇緝諧毗吏綬和風俗
堂上堂下驅密賤於後塵星出星入置馬期於散地
閒而以肅嚴而不殘馳心於廊廟之前口迹于江湖
之上者獨在于岑君乎君名植字德茂南陽棘陽人
也其先出自顓頊氏后稷之後周文王母弟輝剋定
殷墟封爲岑子今梁國岑亭卽其地也因以爲姓代
居南陽之棘陽十三代孫善方隨梁宣帝西上因官
投迹寓居於荊州焉白軒階垂祉姜洎開宗神岳構

其嵯巘靈根肇其枝葉其在佐帝師王封侯尚主十
卿五公之貴七珥三組之榮衣冠燭耀於區寓允緒
綿聯於載籍亦由秦移趙璧魏得隋珠不常厥地所
在稱寶何止梁亭漢室先開佐命之封吳郡荆門晚
葺因居之地若斯而已哉高祖善方梁驃騎大將軍
周起部尚書開府儀同三司長寧縣開國公食邑一
千二百戶贈侍中謚曰敬當萬機之損益成八座之
儀表銀艾圭茅金鏘玉振榮高當代龍豹之託逾深
寵茂幽局鵷鸞之寄斯重曾祖之為隋虞部員外侍
郎襲爵長寧公霞騫電邁鳳彩龍光初膺星為之榮
晚襲山河之寵祖文本皇朝中書令兼太子賓客宏

文館學士江陵縣開國伯食品四百戶贈侍中謚曰
惠宏材巨量經文緯武高標百尋絕壁千仞丹青神
化翊亮天工卽隆周之申甫亦皇軒之風力若乃百
揆務殷三階事切西朝機要之所北閣神仙之地任
摠訐謨榮高密勿至於五車萬卷百家諸子吐鳳懷
蛟凌雲槩日不尚浮綺尤存典裁藻翰之美今古絕
倫父景倩周大中大夫行麟臺著作郎兼宏文館學
士綰青襟而司禮館草元經而登書閣聲榮之重驛
美於當朝燕翼之寄傳徽於後烈君紫泉飛液丹山
耀彩孤峯懸日月之輝激溜聚烟雲之氣虚心侔儻
靈鶴再舉而未窮逸調從橫大鵬六月而方息生而

好學幼而知禮孝行無待於傍授仁心得之於自然
黃憲之類顏回汝南爲貴賀循之擬龔勝江東擅名
不學左思十年爲賦聊同方朔三冬讀書不出戶庭
旣馳心於萬里將排雲日亦因基於一匱弱冠以簪
纓貴胄調補修文生明經擢第緇帷連夕拜之所紫
禁迓朝聞之地圖書所會館宇生光解褐同州叅軍
事譽警北曹聲馳南府地靈天秩渾金璞玉之材主
吏叅卿孫楚蕭何之德屬軒墜卜遠禹山斯會撫遺
劍而空存想遊冠而無及松蘿漢隧竹染湘川雖鏤
鼎銘彝將勒生金之字而庇徒葳事終資倚玉之材
課効居多恩腴俯逮特授蒲州司戶叅軍事俄以親

累左授夔州雲安縣丞賈誼長沙屈原湘水溪連五
毒攀鳥路而銜悽峽帶三巴聽猿聲而下淚秩滿丁
府君憂去職三年泣血七日絕漿殆不勝喪幾於滅
性服闋調補衢州司倉叅軍事秦稽負日楚夢含雲
東連射的之山西拒沈珠之浦上農攸屬倉廩爲禮
節之先下位斯安等列處儕流之首尋沐恩旨雪其
親累一遇雲雷之施再生花萼之榮旣席寵而沿恩
亦流根而泊葉君之兄義材望冠時聲名動俗膺奮
飛而首出指寥廓而曾騫位纔陟於聞鶯才實兼於
綠鵠旣而八龍雙驥慈明與劉岱均飛二陸三張士
衡與孟陽齊價豈直家風祖德見稱於中旨掌紼司

綸復傳於後葉。光輝所燭。朝野增榮。然則宅火均司。
象雷分邑。莊周著小鮮之誠。尹何招美錦之嫌。列五
等於姬封。高十城於漢秩。字育之道。循良是資。擢授
潤州句容縣令。瑤山奧壤。金陵舊地。郊原枕端。委之
墟。江漢擁朝宗之水。海潮驚而翔鷺起。山氣合而盤
龍見。物產殷積。水陸兼并。人多挺劍之雄。俗有亡珠
之弊。君達於時事。明於政理。教不嚴而自肅。化不令
而人從。毗黎感惠。愛之如父母。奸邪屏迹。畏之若神
明。戶口滋豐。田疇墾闢。行太丘之道德。息灌壇之風
雨。國家下武膺運。中興纂業。氛祲廓除。日月開朗。君
遇見知之主。逢時來之運。若魚縱壑。如鴻順風。優制

所覃崇班益峻加朝散大夫上柱國紫泥流渥朱紱
昇榮列五采之通班連九章之賁飾於是貴而思降
盈而知損如絲之旨載流亂繩之化愈息先是邑居
湫陋里閭榛蕪爰自厯政未遑加緝君乘三餘之隙
因四人之暇覽山川之體勢量資物之豐省逐便興
功因時改作人無廢業役不浹辰流一切之權道成
累代之宏業頃緣稼穡頗口炎亢雲漢之詠徒勤京
坻之望斯絕君親加暴露徧請山川率毗庶以具馨
香俯壇場而展誠敬濃雲布族膏雨成絲絲八極而
俱灑通四溟而廣徧自非仁心所及誠感必通其孰
能預於此乎加以道尚朋執情敦讌喜每至星搖劍

室月下珠潭。菱津迴棹女之喧。桃逕詠樵童之樂。臨
萬家之井邑。眺千里之風煙。良談閒起。清文不輟。信
可謂兼文兼武。公才公望者焉。聖上深視九重。高居
萬寓。迺睠時政。分命使司。端冕旒而思天下。布德澤
而周海內。博訪英髦。探求異術。十道飛駟。萬域承風。
江東黜陟。使朝散大夫行度支員外郎攝右臺侍御
史源乾曜。崖岸孤聳。風飈秀出。千仞罕節。百尺無枝。
地入星臺。列珠軒而應翟。庭分月樹。搖鐵柱而驚烏。
冰霜凜白。簡之威霞。日聚繡衣之色。遙同李卻。上迴
星鳥之暉。俯類張綱。先懾權豪之氣。以君才地加之。
聲實每肆揄揚。先膺荐舉。王生千里。停入於匡。佐荀

氏十旬行登於台府顧盼之重郡縣增榮馳表疏於
龍閣遽翻飛於鶯路隨郅詵而齊舉攀鄧攸而不留
黯黯津亭搖搖軒騎壽春遺犢將折轅而共分葉縣
歸鳧遂行舟而俱遠由是三吳士庶二江人物來暮
之歌方遠去思之戀益深期殺君於一年思段侯之
再撫丞魏烜家承軒冕代傳儒墨鳴謙自牧處劇若
閑以涵牛之巨量貳割雞之小道主簿崔子佺相門
卿族玉葉金柯光彩可以射人風神可以凜俗尉李
芬張隱朝章佩嘉勗等並公侯復社琳琅積譽經史
足用刀筆推工蹇迴東道之姿多屈南昌之化鄉望
等或者年宿望或盛族名家負雲澤之懷寶馳水鄉

之俊逸山川舊迹龍蟠武踞之間軒冕餘風東箭南
珍之亞並歿和浴道多從食堪之恩老安少懷久沐
惟桑之化雖功成帝力上皇之耕鑿已勤而事稟圖
經下邑之風猷可紀是用傍遵縑蘭俯緝謳謠敷南
襄之故事採西郭之前躅飛丹屑瓦行杼雕金之思
相質披文無媿沈碑之浦其詞曰

山岳■氣河汾孕爲基構百尋源流千丈地靈垓軋

天姿肸蠭長_(寧)建侯襟懷洞朗江陵奕載風颿峻上

蹟隱鉤深知來藏往斲雕爲朴用晦而明文緯天地

武定縱橫如周稷禹似漢良平金社開封珠盤載盟

逝矣遐緒猗歟克生

案碑詞每段六韻唯此明橫平
盟生僅五韻必脫去二句也未

見拓本姑識此以俟再補

乘彼靈慶光斯燕翼道映時宗言爲士

則月鏡虛湛雲峯迴植藝蘊縑細材經邦國金玉其
行筠簟其德鶴鳴不已鴻飛未息欲麗九成先階一
匱比迹庠序聯芳旌旆軒塋卜遠禹山云萃倚玉推
才雕金纂懿秦關漢輔吳田獮地孫楚叅卿蕭何主
吏鴻鐘待扣明鏡不疲詞端筆杪月落雲披時更出
處道或推移曾參盡孝賈誼傷離五湖東指三峽西
窺六修齊稟百里均知帝道光亨聖人有作如鵬得
吹似魚縱壑越白奮飛載翔廖廓珠江控海金陵負
郭夏禹經營農皇甄度星躔牛斗雲連蜃閣令長何
擇循良在茲駢駕必賤雕鏤馬期政實無擾人稱不

欺韋弦是緝冰王攸資神憂河甸獸斷江湄蝗去無
限鸞歸有時八使出關二星向蜀乘驄衣繡揚清激
濁黜陟攸先椎埋是屬上敷帝念下從人欲一聽謳
謡載欣風俗行收顧盼坐成珠玉若管知鮑如蕭待
王君子旣見爲龍爲光選衆而舉載揄載揚飛■日
路驛薦雲莊眇眇雲澤颺颺水鄉西北萬里東南一
方坐結去思長嗟來暮躑躅輦壤招遙鸞路何以報
恩宸階遠訴何以旌德高碑迴樹潘岳創詞楊修辨
句一刊懿迹千齡垂裕
景龍二年歲在戊申二
月十五日建朝散大夫行雍州錄事叅軍張景毓字
燭微撰業行寺主釋翹微書

唐故朝議郎行兗州都督府方與縣令獨孤府

君之碑銘

唐劉待價

聞夫軋蓋上闢星緯分其經舍坤輿下蟠河岳裂其封域是以觀象體物建百里之庶邦敦俗牧人置千石之多士則有威霽風雨稱明鏡於當時德洽絃歌号元龜於後葉其有繼美宣化教肅刑清作根本於巖廓爲喉命於黔庶休明一代映徹九泉厯選徽塵歸獨孤府君矣公諱仁政字仁政河南洛陽人也本姓劉氏導櫟龍之巨源長河不竭䟽斷地之曾岫連岳無窮屬逐鹿於中原乃避時於北漠因山易姓以氣雄邊及魏室之鬱興服袞論道遷周邦而扈從衣

錦還鄉吐奕葉而增昌朝盈紫綬聳本枝而逾懋郡
接朱轡菌謁紛綸可畧而述高祖永業齊中書舍人
南道行臺右丞洛州刺史遷左丞加散騎常侍儀同
三司特進行臺左僕射封夏州啓溫縣開國公武安
郡開國公廣州德廣郡開國公西平郡開國公瀛州
章武郡開國公彭城郡開國公各食邑二千戶賜鼓
吹一部絹布各二千疋錢卅万俘口三百餘人馬五
十疋轉七兵尚書兼吏部尚書入周拜司徒公行臺
尚書令冊臨川王大司寇少右弼謚曰貞佩金章於
黃閣綰盤綬於玳筵內助理於萬機外佐平於百揆
竒籌獨運戶邑光於六封雅樂相喧鼓吹標於四錫

會祖子佳周柱國直閤將軍武安郡開國公華州刺史儀同三司隨大將軍涇州刺史應國公拜壇虎將祠黃石以傳書刺郡神君褰赤帷而察俗賞茅土於輿壤以荅元功進儀服於太階還尊懋德祖義恭隨京兆郡富平縣令唐秦王府倉曹叅軍事荆王府長史右衛郎將左衛中郎將左監門率溫汾歸婺四州諸軍事婺州刺史上柱國高平縣開國侯雍容朱邸陪文雅之良遊巡警紫微膺爪牙之重任百城宣化得賈父之能名五等開封獲通侯之美稱父士贇唐（宏）文生文德皇后挽郎虞庠之胄必擇士林楚挽之郎寔資門蔭選授霍王府戶曹叅軍事密王府兵曹